

重修兩淮鹽法志

兩淮鹽法志卷一百四十五

捐輸門

助軍

兩淮地大物博貨貨闐溢實爲浙粵川蘆所不逮乾隆
嘉慶間

王師征大小金川蕩平臺灣戡定川楚教匪淮商踴躍輸
將稱爲極盛然皆自抒悃忱不假催索往往

詔書屢卻籲懇再三羣以貢獻邀

允爲至榮自粵寇橫肆外族侵侮度支告匱增權算縉海內耗
弊於是計臣仰屋愁歎不得已而指派商捐或百萬或

數十萬攤諸通綱而眾商推諉或以食岸求免或以下
則減派嘖嘖辨論甚至以輾轉移獎之法爲招徠商捐
之地百呼而後一應是豈報效之忱今不古若哉亦物
力盈虛之故盛極而衰勢固然也志助軍

康熙十七年六月巡鹽御史郝浴題陳光祖程之謨等急
公濟餉將長岳等府捐免鹽引增課十三萬五千餘兩
奉

旨一併議敘吏部議准郝浴實心任事應兼太僕寺少卿銜商
人陳光祖程之謨等三十五員勉力急公應酌銀數多
寡分別從優議敘

雍正十一年商人黃光德感戴

國恩情願捐銀十萬兩以佐邊餉奉

旨著高斌收存報部聽候撥解不必具題

乾隆十三年十二月鹽政吉慶奏據商人程可正程謙六等呈稱商等近因大金川逆酋不法上煩

天討情願捐銀八十萬兩稍佐軍糈請先於運庫內撥解自己已綱起分作四年帶完歸款經戶部議准並請將捐貲各商加

恩議敘以示獎勵奉

旨允行

謹按此次先有漢口商人吳鼎和等公捐銀二十萬兩部議以淮楚事同一體併案議敘嗣於十四年四月江西巡撫唐綬祖奏江西省饒吉三埠商人許安初等捐銀十萬兩以佐軍需

乾隆二十年六月鹽政普福奏據商人程可正等呈稱恭聞伊犁蕩平商等情願各出己貲公捐銀一百萬兩以備

賞需請先於運庫撥解循例分年完納不敢攤入成本亦不敢仰邀議敘奉

硃批知道了欽此

乾隆二十三年十二月鹽政高恆奏據兩淮商人黃源德等呈稱恭聞西北蕩平商等坐享樂利情願公捐銀一百萬兩少抒服役之誠請先於運庫墊解分五年帶完歸款不敢攤入成本亦不敢仰邀議敘欽奉

俞旨下部議敘

乾隆三十八年八月鹽政李質穎奏據兩淮總商江廣達等呈稱商等疊荷

天恩無由報效茲金川小醜剋日剿除商等情願公捐銀四百萬兩以備軍需之用第商本套搭在外一時未能湊齊見繳銀一百萬兩其餘三百萬兩懇請於運庫秋撥項

內賞借銀一百萬兩

內庫見撥川餉內賞借銀二百萬兩抵作報效之數所借銀兩於甲午綱起分作十年歸款奉

旨嘉獎並交部照好善樂施之例從優議敘復奉

旨此事雖係江廣達程德謙二人出名所捐銀數自係眾商各就資本多寡量力奉公著李質穎查明某商名下捐銀若干分別議敘嗣據江廣達等以項未交完不敢先邀議敘是年九月又奉

上諭著俟借項全完再爲造報則須至十年以後爲期過遲著李質穎卽爲查明按數分等造報請敘經李質穎復奏兩准

湖廣江西等處皆係公共口岸額引有一定之數運商非一定之人不能即現辦引目預定下綱運數請將現交銀一百萬兩之商先爲議叙以昭獎勵經吏部按數分別議叙有差奉

依議欽此

恭載

上諭一道
德音

乾隆五十三年正月鹽政全德奏據商人江廣達程儉德等呈稱大兵進勦臺灣逆匪尅期蕩平商等情願公捐銀二百萬兩以備犒賞之需請於部款項下先行借撥於戊申綱起分作六年帶完歸款奉

旨嘉獎仍照例分別議叙

乾隆五十七年正月鹽政全德奏據商人洪箴遠程儉德等呈稱大兵進勦後藏賊匪奏凱在即商等情願公捐銀四百萬兩以備凱旋

貢勞之需請於部庫先行借撥自壬子綱起分十年帶完歸款奉

旨著准其捐銀二百萬兩並准其分五年帶完所有商人洪箴遠等著咨部照例議叙

恭載

上諭一道
德音

乾隆六十年閏二月鹽政蘇楞額奏據商人洪箴遠等呈稱湖南苗匪石三保等聚眾不法該處爲淮商行鹽之地商人情願公捐銀二百萬兩以備凱旋

賞卹之需請先於部庫借撥分作六年帶完歸款奉

旨著准收一半分三年帶完歸款嗣於十一月鹽政蘇楞額以

商情懇切復據呈奏請

賞收蒙

恩俞允並准於前項分年帶完之後續分三年歸款仍交部一

併照例議叙

恭載

上諭一道
德音

嘉慶元年五月楚匪竄入孝感縣漢口戒嚴商人汪必相

等倡募鄉勇隨官軍防禦人眾糧寡必相獨捐米一千

五百石以濟兵食漢鎮獲安事聞

特賜孔雀翎必相續又捐米二萬石助軍需均奉

旨優叙

嘉慶四年三月鹽政徵瑞奏據商人洪箴遠程儉德等呈稱川陝逆匪滋擾著名首逆陸續就擒大功指日告成撫輯賞資需用較繁商等情願公捐銀三百萬兩以備善後之用懇請於運庫正額留存備撥銀內分作兩年六次撥解卽於己未綱起分作六綱帶完歸款奉

旨准其交銀二百萬兩卽照所奏按次解交部庫並著將該商眾等交部照例分別給予議叙以示優獎嗣於五年正月鹽政書魯復奏據商人洪箴遠程儉德等呈稱上年因勦撫川陝匪徒公捐報効銀三百萬兩僅蒙

賞收二百萬兩今川陝匪徒勦盡官兵凱旋在卽情願再捐銀

二百萬兩以備

賞資之用請先於運庫墊解連前次捐輸一百萬兩自辛酉綱

起分四年歸款奉

旨將上次未收銀一百萬兩再行賞收其餘一百萬著不必交
納嗣於二月鹽政書魯以商情懇切復據呈奏請

賞收奉

上諭著再賞收五十萬兩其餘不必復行續懇至捐輸各商均

加恩交部量給議叙以示獎勵欽此

恭載

上諭一道

德音

嘉慶五年七月鹽政書魯奏據商人洪箴遠等呈稱川楚

賊匪滋擾大兵進勦指日告蒞情願公捐銀一百萬兩以備凱旋之用奉

旨賞收五十萬兩

五見

德音

嘉慶六年五月鹽政書魯奏據商人洪箴遠程儉德等呈稱商等辦運淮鹺世安樂利茲當川楚軍營連獲大勝大功指日告蒞情願公捐銀二百萬兩以備

賞卹之用請於運庫徵存銀內照數墊解自壬戌綱起分五綱帶完歸款奉

旨自本月永定河決口該商等公捐銀二百萬兩照數賞收著書魯將一半解京備堵築撫卹之用其餘銀兩存貯運庫候

撥並查商捐姓名從優議敘以示獎勵欽此

奉
一道恭載
上諭

德音

嘉慶八年正月鹽政佶山奏據淮南商人洪箴遠等呈稱
川陝軍營大功告蒧商等情願公捐銀二百萬兩恭候
撥解

賞卹之用此項銀見繳一百萬兩其一百萬兩請先於本年癸
亥綱繳銀五十萬兩再於運庫閒款內借撥五十萬兩
甲子年帶完歸款奉

旨賞收一百萬兩將商捐姓名查明咨部照例議敘嗣經鹽政
佶山以商情懇切復奏請

賞收並片奏稱捐職道員黃至筠捐職員外郎鮑澈芳捐職
主事尉維柄遇事奮勉請格外加

恩奉

旨此次請賞收商捐銀一百萬兩之處不准行黃至筠三商等
先行交部優敘

道光二十年十二月總督兼鹽政裕謙奏見在逆夷在浙
滋事江省防堵需款浩繁據淮北票販王益大等稟稱
願於辛丑綱票鹽四十六萬引正雜稅銀之外攤捐銀
三十萬兩以備犒賞查淮南商人包振興等前此公捐
銀五十萬兩仰荷

實收解交蘇州藩庫收儲專備防堵事宜及善後各項之用當
經飭司道核實文發見在約計有盈無絀卽將來或有
不敷我

國家庫儲充盈儘可作正請銷本無藉捐輸之毫末惟察
看該販等情詞懇切實出至誠所請公捐銀三十萬兩
仰懇俯准一體解赴蘇州藩庫歸入前項商捐款內留
爲江省海口防堵及籌備善後各項之用再查造各票
販等捐輸姓名履歷照例咨部議敘奉

旨允行

同治四年三月鹽政曾國藩奏前任江南提督李世忠捐

助臣營軍餉曾派員弁在於淮南辦運皖岸官鹽撤勇
以後卽將鹽觔分批呈繳共繳淮鹽六千四百五十餘
引照皖岸售價合庫平銀十一萬三千七百八十五兩
有奇又據呈繳赤金三千二百五十餘兩變換庫平銀
四萬五千九百四十兩有奇伏查該提督前次遣撤弁
勇皆係自散私財并未請領官項自奉

恩命准其開缺回籍渥荷

浩蕩之仁益矢涓埃之報深知臣營餉絀先後捐銀至十五萬
九千餘兩之多尤屬好義急公該提督受

恩深重雖未敢仰邀議敘而核與加廣中額之例實屬相符合

無仰懇

天恩俯准以此項銀兩並入河南各捐款中爲將來加廣中額之地理合附片陳請奉

旨該部議奏欽此

同治四年六月鹽政李鴻章札淮運司西鹽招商局刻下糧臺進款支絀亟須設法籌補因查淮南運商場商自開辦新章以來獲利較厚各該商亦素知急公且防勦各路半屬淮鹽引地應由該司道等勸諭輸捐以資接濟嗣於十二月西商吉大昌等捐銀六萬兩由招商局道員張富年稟准照金陵善後捐案給予獎敘

同治四年十一月楚鹽招商局委員歐陽兆熊稟上月奉
批據稟鄂綱認引不數日間竟至三十九萬之多議減
存十七萬有奇惟據請先掣六萬引作爲本年秋綱又
請預提明年春綱四萬引共計亦祇十萬之數仍餘七
萬有奇悉心斟酌卽就該局籤掣在先之六萬引分檔
給運爲本年秋綱籤掣在後之六萬引按名存記爲來
年春綱其餘五萬有奇並准掣定名次一併存記歸入
來年秋綱此外不准再認片引以示限制前聞官相有
勸李軍門捐餉之說見旣無庸捐修安定書院本署部
堂軍營需餉甚緊已飭署運司張道籌辦場運各商捐

翰李軍門如果急公能捐十萬兩本署部堂必爲專疏具奏等因查概予存記者恤商之情而酌量勸捐者裕餉之義舍引論捐亦不足以昭畫一於是分爲三等鄂岸大商以本年春綱爲斷每票議捐銀三百兩本年秋綱捐銀二百兩明年春綱捐銀一百兩明年秋綱免其捐輸一體繳釐作爲存記之引蓋大商除二三兩年業已辦運不計外本年春綱大半開江得利較速多取之而不爲虐明年存記秋綱爲時尙遠不得不免捐以示體恤以加捐大商者平小商之心仍以通捐小商者平大商之心兩旬以來莫不願效輸將鄂岸本年春綱認

捐銀四萬三千八百兩又樂輸銀二萬二百兩本年秋
綱認捐銀二萬三千兩明年存記春綱認捐銀一萬五
千五百兩至湘岸程遠一千餘里隔重湖之險曠日彌
久利息較微本年春綱照鄂岸減半每票議捐銀一百
五十兩本年存記秋綱亦照鄂岸減半捐銀一百兩共
捐銀一萬九千五百兩由湘岸轉運局彙收移解計鄂
湘兩岸通共捐銀十萬兩所有鄂岸本年春綱捐銀業
據各商陸續全繳銀二萬兩除先行批解外其餘應俟
掣籤定候照數收齊並湘捐移解過局分批報解以濟
餉需惟奉諭此後不准再認片引以示限制而大商中

之捐銀多認運少者再三籲求加引不得不酌量增益以順商情而籌捐款計加數千引合成十八萬之數竊查湘岸之豐恆號係屬官運而鄂綱內有彭部堂委員辦運之同順昌五千引據稱亦爲補餉而設應請免捐仍令該委員隨眾掣籤事歸一律此外鄂湘本年春綱有早經開江而見綱並未呈請認運者無從勸辦亦請免捐伏思該商等不一月間認捐銀至十萬兩之多尙屬急公懇摺准援照事後捐輸成案給予獎敘至李軍門捐事屢經傳諭據稱因木石輒瓦各科見成是以願請捐修書院前認曾中堂捐款一半尙未繳清嗣官中堂

諭令捐銀亦難應命實無見銀報效等語應將所請之
二千五百引一概註銷勻益眾商以示懲勸經署鹽政
李鴻章批准

同治四年十一月湖北鹽法道盛康等詳據委辦漢鎮捐
輸委員署漢陽府知府聶光鑾等稟稱鄂省頻年軍務
需餉甚殷而又奉

旨協濟各省之餉統計月費四十餘萬金積欠各營餉項竟至
數百萬之多若不設法籌辦誠恐如上春霆勇潰變堪
虞且見在豫捻游弋楚邊防剿正形喫重不得不再藉
捐輸以資接濟查漢鎮八幫鹽行爲最據各幫公議以

鹽行爲百行之首近來行銷甚旺必須鹽行提倡各行始無推諉現擬鹽行十家每家均捐銀二千兩十家共勸捐銀二萬兩以協輿論而昭平允其所捐之銀可否按照上年漢鎮興辦堡工諭飭各鹽行無論淮鹽川鹽每百斤捐銀六分之案減半定爲每百斤捐銀三分並擬將三分之數一半在於運商售價內提捐一半在於水販買價內取捐似此辦理在運商獲利尙多計算盈餘項下每斤只捐一毫五絲水販亦祇於買價內每斤增一毫五絲所取不過毫末而積少成多約計一年卽可集成二萬之數旣於鹽章並無所礙而於軍餉亦大

有益經鹽政李鴻章批查鄂岸銷數甚滯前經曾爵部
堂咨商楚省減輕售價並將鹽行內一切浮費概予刪
除迄今月銷淮引尙不足一萬之數本難加捐致令商
販裹足惟鄂省軍餉浩繁通市各行旣已派捐鹽行自
不便獨異至運商自提漲牌價後商利已薄況每引已
完楚釐二兩四錢斷不可再增成本所有前項捐輸應
由各鹽行取之水販不論川鹽淮鹽每百斤統捐三分
以捐足二萬兩卽行截數停止不准專捐淮販致川本
輕而淮本重亦不准任鹽行借捐輸爲名於三分之外
另再多取分毫

同治六年五月湖北督銷局詳據漢鎮鹽行熊信昌等稟稱竊行等昨奉鈞諭內開鹽捐一項本道前在金陵面奉兩江督鹽憲諭令湖北鹽捐收足二萬兩卽行停止不准再捐定於四月十九日停止免捐等因行等業已遵期停止共計抽捐數二萬七百七十三兩六分去今兩年因髮捻復竄楚境擾及漢黃德諸郡災民紛紛來漢奉漢陽府憲諭令各幫各行於大捐外加成另籌賑捐以資接濟災民去今兩年計派行等加成捐銀八百兩行等所抽餉捐之銀係按旬照數解繳憲局彈收不能間斷去年祇得另墊繳賑捐銀五百兩尙有三百兩

未繳伏查行等所抽捐銀二萬七百七十三兩六分除
餉捐銀二萬兩外尙溢銀七百七十三兩六分以之撥
填賑捐項下亦是以公濟公等情查此項溢捐之數僅
祇七百有餘該行等旣奉漢陽府諭令加成助捐賑濟
應否准其如數撥給賑捐伏候示遵經鹽政曾國藩批
准

同治六年七月湖廣總督李瀚章咨兩淮鹽政據湖北布
按二司鹽法道捐餉總局會詳稱據委辦漢鎮捐輸局
務委員漢陽府知府鍾謙鈞稟稱案奉藩憲檄飭以鄂
省征調頻仍又奉

旨協濟各省餉需支用浩繁擬加派漢鎮捐輸銀十二萬兩等
因遵卽諭令查照上年認捐數目輸捐當據各行幫允
照舊輸捐銀九萬二千兩有奇正在催收趕辦聞忽據
各行幫首士稟稱漢鎮買賣以鹽行爲大宗見奉督鹽
憲諭令湖北鹽捐收足二萬兩卽行停止等因是鹽捐
既可邀恩停止我等各行自必一視同仁公懇轉稟邀
恩免捐等情合據轉詳本司道查湖北減成捐輸自咸
豐十年以迄於今并未停止殊覺有累商民加以近年
漢黃安襄德五府所屬半遭捻氛居民未能安業所幸
漢口樊城老河口及沙市各大鎮尙皆完善每於急迫

難支之際尙得藉資商力卽如漢口去歲勸捐前後約
十萬有餘商情可稱踴躍急公矣苟大局稍可支持斷
不忍至再至三有加無已無如欠餉愈積而愈多鄂事
日煩而日困是以詳派委員仿照前次章程於漢口等
處剴切勸辦該行幫等亦俱念切時艱一律輸捐捐局
查照章程核給獎勵並准移獎親友在行幫酌取商販
贏餘彙齊繳捐固無難色在商販貲本無虧又邀獎敘
亦皆樂從各行旣已捐輸勢難置鹽行而不勸今據稟
前情如欲遵照將鹽行停捐則各行幫藉口觀望在所
不免是去此二萬之鹽捐卽少此九萬之商捐當此時

局艱難涓滴不爲無濟況在已成之大宗乎且輸捐歸
鹽行經手而實出自眾販與鹽商原無所損不過於所
販鹽勛內增減毫釐耳似於鹽務亦無關礙詳請咨商
兩江爵閣督鹽憲俯念鄂省餉源日絀准鹽行照舊捐
輸凡我商民亦靡不樂從嗣後捻氛稍戢自當卽行停
止等情本署部堂查見在漢鎮捐輸係因軍需緊要地
方普辦公事相應據情咨商嗣經鹽政曾國藩覆咨查
鹽行捐輸雖云自行報效難免不取諸水販近日銀價
日昂鹽價日貴淮局銷數疲滯已極是以面諭黃道將
行捐停止昨據督銷局詳自六年正月起鹽行十家每

年仍認捐銀五千兩按月解濟湖北軍餉則他行不能藉口未便於五千兩之外再行增捐致礙淮鹽銷路

同治六年十一月湖北巡撫曾國荃咨覆兩淮鹽政據湖北布政使鹽法武昌道牙釐總局捐餉總局會詳稱奉本爵部院批據督銷淮鹽局詳漢鎮鹽行每年捐繳軍餉請立案給獎一案奉批查該鹽行等每年捐銀五千兩以助軍餉如果並非取之水販實係出自己貲自應准予所請一體照例給獎惟其中有無窒礙仰卽會核具覆本司道伏查湖北自軍興以來餉需支絀除辦捐輸釐金而外復經前撫部院胡奏頒牙帖分赴各鄉設

局勸辦不拘舊額准其隨時請領有裨軍需漢鎮專設分局勸辦牙釐各幫行用皆三分抽一以濟軍餉獨鹽行一業年來暢銷止收門釐未抽行用故於去年冬間釐局查照漢鎮章程飭令一律照辦該行稟請督銷淮鹽局以鹽行因上年戴元泰虧課分賠滋累見在僅存十家售鹽行用例取三分入不敷出若再三分抽一難於措繳等情其時適有新商賀國憲因見淮引暢銷遵照奏定章程繳銀一千兩請頒鹽帖願將戴元泰虧款按股認賠惟鹽行須令同業環保恐該行十家壟斷把持以見定新章銀皆見兌無慮虧挪請免取保赴釐局

請示釐局因有成案可循未便以鹽行一處而阻招徠
且查沙市一處尙有鹽行十六家漢鎮遠勝沙市竟令
十家壟斷殊非公允當卽咨商督銷局黃道該道恐添
設鹽行則行用減色議以不抽行用不添鹽行惟此十
家營易每年認捐銀六千兩定五年十一月起捐嗣因
該行仍復求減改爲每年認捐銀五千兩復改自六年
正月起捐報解詳奉本爵部院批該行等旣每年認捐
銀五千兩並請毋庸給予獎敘所稱不添鹽行不抽行
用一節自應照准以示體恤惟將來銷數暢旺應隨時
變通辦理毋令把持等因在案茲奉前因本司道覆查

鄂省捐輸祇因餉需萬分支絀不得不藉力於商民眾商皆踴躍樂從勢難置鹽行而不勸乃該行既不遵三分抽一之議卽准其每年認捐五千於十家之外不再添行可謂曲加體諒矣若再准予立案給獎不特於憲臺甫經批准之案朝令夕改而於眾商捐項亦大有厚薄之分非所以昭平允也正會詳聞又奉札開八月准兩江爵閣督鹽部堂曾咨開以漢鎮捐輸軍餉請飭鹽行照舊一律捐繳等案奉批昨據督銷局詳自六年正月
月起鹽行十家每年仍照捐銀五千按月解濟湖北軍餉則他行不能藉口未便於五千兩之外再行增捐等

因行令會核具覆本司道等詳繹批意似將前此每年額解五千不增鹽行之案併記於商捐之內查行捐因不增牙帖而設至於商捐係屬商賑按鹽百觔僅取三分爲數無多取諸水販實取諸食鹽之戶名爲商捐而非取諸行商也但由鹽行抽取彙繳耳且一律准其獎敘並非勒令輸助可比今若免鹽行二萬兩之商捐則漢鎮各行紛紛藉口是以上年漢鎮收商捐銀十四萬餘兩今年尙收不足六萬兩鄂省頻遭兵燹加以水旱頻經司庫糧臺萬分支絀今秋襄河陡漲漢濱一帶地方淹沒田廬不少錢糧釐金率皆減色當此征兵遠戍

需餉殷繁軍無見糧臺多積欠而又議賑議工刻不容
緩見又奉憲臺軫念民艱諭暫將各州縣捐輸停止所
恃一時供挹注者惟此漢口沙市之商捐耳沙市之捐
尙無成數而漢口已成之捐又因之觀望不前則籌餉
益形棘手本司道等再四籌酌並與督銷淮鹽局黃道
往復面商鄂淮兼顧擬請仍派商捐之二萬兩而免續
增之五千兩應請咨明兩江爵閣督鹽部堂會查照前
次詳咨另行核覆經鹽政曾國藩咨復查此案前准署
湖廣督部堂李來咨查商捐一項旣係取諸水販水販
與淮商胥齒相依水販利薄淮銷必滯此一定之理况

近來銀價日昂鹽價日貴以致川私乘閒充斥淮局銷數永無起色本部堂改派程道卽日赴漢整理方擬設法平價豈可將飭停之捐重行科派至湖北水販買食淮鹽除完淮釐外每引徵完鄂釐二兩四錢每年解濟鄂餉不下三四十萬兩無非出自食鹽之戶他行商販何能紛紛藉口所議仍派商捐二萬兩之處斷難照辦光緒六年三月署鹽政吳元炳奏戶部籌備邊防要需議捐兩淮票本一案臣督同署運司徐文達札調海州分司等集商妥議參考昔日之成規體察目前之岸務按年捐助商力實有未逮謹仿歷次籌捐成案勸令南北

暨食岸各商湊集鉅貲情願共捐一次銀一百萬兩先
繳見銀四十萬兩其餘六十萬兩亦分岸定數由督銷
各局按引核收隨時分批解部仰懇

敕部全數賞收免其常年輸納各該商世受

國恩不敢仰邀獎敘仍照章將所認引票永遠循環以裕
餉需而保釐局嗣經戶部覆准先繳見銀四十萬兩解
赴部庫其餘六十萬兩以奉到此次部文之日起予限
一年全數完交以資防餉

詳見捐
收票本

光緒七年閏七月運司洪汝奎稟淮南商報效捐銀一百萬
兩內淮南運商應捐八十四萬兩淮北票販應捐十四

萬兩南北各食岸商應捐二萬兩上年三月間奉前署
憲吳奏明先繳見銀四十萬兩其餘六十萬兩分岸定
數核收嗣奉部議以奉文日起予限一年將未繳捐銀
六十萬兩全數完交當經前司分爲三限每限飭繳銀
二十萬兩於本年五月二十日以前繳清詳奉批准辦
理茲據淮南總局金運判海州分司張運判等先後詳
報淮南北暨食岸各商應繳後六成捐銀六十萬兩已
於本年六月十九二十等日全數繳清核與部限尙未
有逾該商等食德飲和厯有年所雖值岸鹽壅滯本攔
利微尙知激發天良輸將恐後不無可嘉經鹽政劉坤

一批據稟後六成商捐已於部限內全數繳清甚屬急公仰候分別奏咨

光緒十七年四月戶部奏部庫奇絀臣等公同集議設法補救必須先籌有著款項二三百萬兩充實庫儲以固根本然後嚴催各省將應解京餉源源接濟以裕餉源惟籌款一事洵非易易雖係盡力搜羅亦須願全大體謹擇其有裨時艱無礙政體於彌補庫儲可徵實效者酌擬辦法五條 一各省鹽商應令捐輸講獎也查從前物力全盛之時各省鹽商凡遇國家大工大役無不集貲報效踴躍輸將以得蒙

賞收爲榮至有再三籲請者咸豐同治以後商力雖不如前
然小邏堡清水潭等工亦皆報捐鉅款卽近年鄭工案
內各省鹽商亦集捐銀至一百餘萬兩足見急公好義
今昔相同見在部庫空虛亟籌培補自應援照成案普
勸捐輸查鹽務以兩淮爲大宗應由兩江督臣轉飭運
司按照引票勸令該商人等認捐一次其餘鹽務省分
雖局面大小不同亦當量力報效應併令各該督撫轉
飭運司鹽道體察商情剴切勸諭均令普捐一次解部
充餉各商所捐銀兩准照見行海防事例給予獎敘實
職翎枝虛銜

封典以及貢監各項各隨所請並准移獎子弟以示鼓勵該督撫等務當實力勸辦不得以商情疲累爲詞空言搪塞再查奉天鹽釐一項每石見收東錢四串八百文較內地科則尙屬輕減應令該將軍自接奉此次臣部奏案之日起每鹽一石加收東錢兩串四百文所收錢文每屆半年易銀解部一次此係加抽鹽釐與鹽商捐輸有別應無庸給予獎敘亦毋庸再勸捐輸奉

上諭著依議行欽此

光緒十七年八月鹽政劉坤一奏查部臣陳奏外辦四條以鹽商捐輸爲大宗遵經札飭兩淮運司江人鏡傳集

商人妥勸去後茲據稟稱諭令淮南北商販共援引認捐庫平銀一百萬兩內淮南湖北湖南江西安徽四岸各商共攤捐銀七十八萬兩江甯揚州等屬食岸各商共攤捐銀二萬兩淮北票販共攤捐銀二十萬兩淮南分兩年淮北分兩綱一律繳清解部等語此次捐項擬懇

天恩敕部隨到隨獎其委解捐款與尋常委解京餉不同所有向例應解之部飯加平銀兩應予免交以昭激勸而示體恤奉

硃批著照所請欽此

謹按此項商捐請獎後定爲按實銀百兩照繳部飯
銀一兩五錢公費銀一兩其照費銀二錢卽在一兩
內動撥不再另收如捐貢監每張另繳國子監飯銀
一兩

兩淮鹽法志卷一百四十六

捐輸門

助賑上

傳曰天災流行何國蔑有汎舟之役自古以爲美談賑之時義大矣哉兩淮號爲上腴富商大賈好行其德苟遇旱澇之災無不踴躍輸將常以餘力沾溉鄰省方之毀家紓難指困濟貧何多讓焉錄其義舉以諷來茲志助賑

康熙十年六月巡鹽御史席特納等疏眾商陳恆升等以淮揚被災捐銀於揚城外設立四厰煮粥每日約賑男

婦四萬五千餘名口其泰州高郵興化等處不能就食者各發米數百石不等又給災民棉衣一萬四十五件共用銀二萬二千六百七十兩戶部覆准除捐銀不足五百兩者例不議外其捐銀五百兩以上商人陳恆升等八名照例加九品頂帶

康熙十八年七月巡鹽御史郝浴疏揚屬去年夏秋被旱饑民求食者眾臣倡義捐輸並傳諭各商捐米賑濟商情踴躍共賑過饑民八百十六萬九千餘名口計捐米價銀三萬三千餘兩戶部議覆准交吏部照賑濟饑民例議敘

康熙三十年及四十九年枌茶場先後被潮共坍缺蕩地折價銀一千八百一十二兩有奇貧竈無力完納淮南眾商情願代輸俟坍地涸出之日仍令竈完

乾隆三年十月鹽政三保奏據眾商以揚郡被旱願設八
廠煮賑自本年十一月起至次年二月止共捐銀十二
萬七千一百六十六兩有奇又商人汪應庚獨捐銀四
萬七千三百一十兩有奇請給議敘嗣於乾隆十一年
七月經部覆准分別議敘有差

乾隆六年十月鹽政準泰奏言淮揚地方本年秋雨過多濱水居民偶被偏災淮南商人黃仁德等設厰煮賑於

本年十一月十五日起至明春正月十五日止煮賑兩月並不敢攤入成本亦不敢仰邀議敘奉

硃批若合議敘之例仍與題達爲是欽此嗣於七年正月復據眾商以交春未久災黎束腹忍寒呈請加賑半月寬至正月三十日停止又據江都甘泉二縣稟給賑廠流民鋪墊草束禦寒并助給回籍口糧路費又據眾商請費給高郵寶應二州縣銀兩煮賑俱經批准眾商遵照捐輸運庫動撥濟用各項動用銀共七萬一千四十九兩有奇均係該商等各出已資儲庫核實給發并無侵漁浮冒情弊請分別議敘經部覆准

乾隆七年九月鹽政準奏淮南商人汪應庚以淮揚水
災捐銀六萬兩兩淮商人黃仁德等公捐銀二十四萬
兩奉

旨著加恩議敘欽此

乾隆十一年九月鹽政吉慶奏淮南商眾程可正等以今
歲河湖盛漲公捐銀二十萬兩嗣於十九年按各商銀
數之多寡分別議敘

乾隆十八年秋通泰淮三屬被水兩淮商人捐銀三十萬
兩

乾隆二十年十月兩淮商人程可正等以本年夏秋霪雨

田禾未獲公捐煮賑將鹽義倉存穀先行借賑待價稍平再行買補完倉需用雜費請借庫項事竣歸款

乾隆二十四年八月通泰淮三屬潮災經鹽政高恆疏請先行撫卹一月共給銀二萬一千八百二十六兩有奇又因時值寒冬復請折給一月口糧奉

旨允行所有撫卹各項均出商捐奏明毋庸開銷正款

乾隆三十六年護理鹽政運使鄭大進奏本年七八兩月海屬之板浦徐濱中正莞濱臨洪興莊等場并通屬之餘東餘西二場閒被潮水淮南北眾商請於通海二倉借穀一萬六千九百六十餘石給息一月口糧秋成公

捐買穀完倉不銷正項並海屬三十六年壓徵三十五年分折價未完竈欠一萬三百八十餘兩淮北眾商分帶捐完以紓竈力均奉

旨允行

乾隆四十六年九月鹽政圖明阿奏稱海分司所屬之板浦等三場秋被水潮淮北眾商請借動海州板浦鹽義倉穀一萬二千五百餘石捐給一月口糧分年帶完歸款並公捐銀四千兩於各場適中之地分設粥場於本年十二月十五日起至明春正月十五日止煮賑一月修理鹽池銀兩亦係商捐奉

兩淮鹽法志卷一百四十一
旨允行嗣於是年十月圖明阿續奏通分司所屬之餘東餘西
二場被水成災七分已蒙

恩照例賑恤所有亭場煎舍淮南眾商公捐修葺銀二千六百
二十兩有奇經戶部議覆奉

旨依議速行欽此

乾隆五十一年鹽政徵瑞疏稱本年夏秋被水海屬板浦
等場勘不成災折價錢糧照例遞緩其中正并歸併之
莞濱等場應給埤頭修費銀九百八十一兩又借修池
面銀二千九百三十九兩俱係淮北眾商公捐賑恤毋
庸開銷正項

旨議敘欽此

乾隆五十三年九月鹽政全德奏據商人江廣達等以荊州隄塍被水衝漫公捐銀一百萬兩稍助工賑之需於運庫應解部銀內借支己酉綱起分作五綱歸款奉

乾隆五十三年九月鹽政全德奏泰分司所屬之廟灣一場海分司所屬之板浦中正臨興三場各竈丁因災遞緩自乾隆四十九年至五十三年折價錢糧及耗羨飯食未完銀三萬三千八百四十三兩有奇淮南北商人洪箴遠程儉德等呈請代納以清積欠奉

旨允行

嘉慶六年二月鹽政書魯奏據淮南商人洪箴遠等呈稱
漢陽一帶近因楚北教匪日就殲擒上游貧民踵至糧
價不無昂貴漢口係商人托業之地情願於兩淮鹽義
倉內借穀十萬石運赴該處設廠煮賑所有動撥之穀
商等籌款公捐於本年秋成後買補還倉楚省毋庸歸
還穀價奉

旨議敘欽此

嘉慶七年九月鹽政佶山奏據淮南總商洪箴遠等呈稱
欽奉

恩旨酌撥鹽義倉穀碾運江西平糶伏思江西爲商人托業之

地休戚相關請照上年捐穀楚省成案借撥倉穀十萬石運赴江西接濟應需水腳運費商等捐辦其動撥穀石於來年秋成後公捐買補還倉西省毋庸歸還穀價奉

旨允行

嘉慶七年十月鹽政佶山奏商人洪箴遠等以湖北各屬閒被水旱偏災公捐銀十萬兩

嘉慶九年七月鹽政佶山奏據淮南商人洪箴遠等以江蘇安徽二省閒被水災公捐銀二十萬兩其銀於本年甲子綱楚岸奏准六錢岸費內節省銀十萬兩撥回應

解餘銀十萬兩卽備見銀候撥奉

旨交部議敘欽此

道光二十九年六月淮北監掣同知童濂稟奉憲札以江甯水災甚重亟須籌款撫恤淮北票鹽行銷暢旺商販獲利可否量爲勸捐惟淮北票販皆東西南北之人非至開局收稅之時不能聚集一處且淮北商販與江甯民人休戚無關恐亦未肯踴躍從事而江甯撫恤之事刻不容緩又非些微之項所能接濟查淮北有捐備倉穀一款每年捐銀總在一萬兩內外除蓋倉買穀之外截至本年爲止約尙存銀六萬八千餘兩有歷年申送

董事刊刻清冊可稽本年海州年歲尙不荒歉此項銀兩可以暫時借動又票鹽經費每引徵銀四錢每年四十六萬引計徵銀十八萬四千兩除開支各官廉俸及文武員弁兵役引費薪盤外盈餘銀六七萬兩不等每年協貼淮南奏課二十八年以前盈餘銀兩俱已協貼無存本年經費須至來春始行報銷其盈餘銀兩尙在海分司庫內亦可酌量提用擬請於捐備倉穀項下借動銀五萬兩再於經費盈餘項下酌提五萬兩共成十萬兩先救江甯災民目前之急海州距省較遠應請先由運庫陸續墊解一面飭令海分司迅速批解歸款如

此一轉移間江甯災民即可全活無數至於淮北捐備倉穀之五萬兩係多年銖積寸累而成此次因江甯係非常之災而省城爲根本重地不能不先其所急是以暫時借動應請俟江甯勸捐有銀之後照數發給歸款經鹽政陸建瀛批准

同治十年八月直隸總督李鴻章咨據津商姚昌熙等稟北省水災甚大擬就各場場鹽分起運鹽十萬前往西鄂湘三省出賣卽以鹽價易米送至上海由輪船運抵直沽聽候驗收撥用查淮鹽售價每引除成本運脚人工食用及應繳課釐捐項外如減價速售約可餘利銀

三兩數錢卽以此款捐出以爲米價及輪船之用不敢
照例另求給獎求預咨兩淮鹽政飭知各督銷局此項
鹽斤到岸後准其插檔趕銷等情查直省本年水災與
嘉慶辛酉年相等八月初間又復大雨數晝夜見已節
踰秋分津河各郡汪洋一片水勢尙有漲無消待哺之
衆奚止數百億萬運南鹽十萬每引可餘利銀三兩數
錢卽令每引提出三兩以爲購米運津之用計共得銀
三十萬兩於畿輔荒政大有裨助望飭兩淮運司瓜洲
總棧及鄂湘西督銷局查照辦理嗣於九月鹽政曾國
藩覆咨本部堂通盤籌計淮南大局實多窒礙無論減

價插檔有案輪規卽就淮南十萬引計之其鹽釐捐項均准緩繳而運庫應收之課加以鹽價運腳辛工棧租等項統盤核算照江楚刊章楚岸每鹽一引約需本銀十兩一錢九分西岸每鹽一引約需本銀九兩七錢九分此項是初辦時所定數目此時有增無減運鹽十萬引已非籌本百萬兩不可此項銀兩將由淮商籌備乎見在各岸滯銷揚州銀路艱窘運商勢難速措場商乏本收鹽尤爲危迫尙須本部堂在於藩糧兩庫續借銀兩乃可濟收秋產焉能有此力量將由津商籌備乎津商若運淮鹽必令有利可圖方能踊躍今餘利全行繳

官而令籌解此巨本遠道營運恐未必如此急公是前
項鹽本已難籌措若再令先繳捐項三十萬兩解直辦
賑竊恐言之易而行之實難况額外另運十萬引減價
搶售額內之鹽必致片引不銷運庫應收之課各岸應
收之釐及貴爵閣部堂應扣之預釐勢皆停滯殊覺無
益有損本部堂再四籌思礙難照准惟有另行設法籌
款協濟旋經運司方濬頤稟津商請運淮鹽易米賑濟
一節查淮南鹽法輪銷配運俱有成章一經津商添請
十萬引於環外插運不入輪銷將使舊商已運到岸之
鹽不得脫銷必多藉口核之見辦成案亦有未符惟有

於鄂湘西皖四岸體察情形酌量加引仿照清水潭報
效章程加重捐資以濟賑需其所加之引除捐資外照
納課釐准其循環轉運挨輪脫銷經鹽政會國藩酌定
西岸加二萬引每引捐銀六兩計十二萬兩鄂岸加一
萬引每引捐銀四兩計四萬兩湘岸加一萬引每引捐
銀四兩計四萬兩統計每票五百引該加西岸四十票
鄂岸二十票湘岸二十票共銀二十萬兩西岸分三綱
循環鄂湘兩岸分兩綱循環皖岸不加所加之引均須
驗貨掣籤先儘舊商如舊商無貨可驗或願認者不能
足數再准新商認領引票以昭公允

互見
引目

同治十年九月運商吳煥記等稟查連年各岸銷數卽以所指之湘鄂西三岸而言洲鄂每年照額不足六成西岸亦僅八折且係三綱循環今若驟加十萬引分攤各岸必致渙散一蹙不可復振與其病淮以濟賑曷如捐賑以保淮茲以湘鄂西皖有引之商公捐銀三十萬兩繳呈運憲衙門轉解侯中堂委員購米運津接濟既可省津商往返之勞亦可免淮岸增引之累又西鄂湘皖運商梁聚泰等稟直隸水災擬由鄂湘西皖有引之商公捐銀三十萬兩而四岸攤分較量多寡紛紛難定見今銷數西岸自覺稍勝而三綱循環則較他岸爲重鄂

湘銷額均不足六成湘引又兼辰州月岸在內與皖岸均係兩綱環轉皖則額引本少銷數尤疲四岸中互有低昂卽求分別酌定批示遵行此後如酌量加引不拘何岸准照此次捐輸銀數分加仰懇批示存案經鹽政曾國藩批值此商力疲困之時不便以鄰省之災責之兩淮該商等無力認捐惟有加引之一法所加之引應先儘見在辦引之舊商如爾等四十二家是也但須驗實掣籤足以昭公允而收實款如爾等舊商無實可驗方准新商認領引票爾等稟中所稱此後如酌量加引准照此次捐銀之商攤派承認亦與本部堂加引先儘

舊商之意相符候飭淮運司秉公核辦嗣於十月初七日掣驗收捐銀二十萬兩

光緒二年十一月海州分司于寶之稟奉淮揚劉道札案奉督憲札以江北本年亢旱歉收所蓄耕牛勢將私賣屠宰來年必誤春耕亟應查照同治五年當牛成案設局收養等因奉遵當率紳士會商僉謂黃牛每日需食草二十斤水牛尙不止此喂養四五箇月連當價每牛一頭約需錢十千文之數查淮安府屬額田不下九萬數千頃就田算牛何可勝數雖未必盡當卽作牛數千條而論已需錢數萬串此外委員司事人等以及牧夫

薪水工食暨搭蓋廠房置備器具一切局用又總計至
少非有錢五六萬串難以試辦本道率屬捐廉連紳富
等所籌統計不過一萬餘串斷難遽行開辦仰該分司
迅卽激勵各票商等盡力輸將先籌經費一萬數千串
刻速解到以便設局開辦等因當卽飭據票販公同集
議據稱見在漕憲設廠收養施粥放賑販等勉力措資
公同捐繳賑米漕斛三千石歸局施放以助善舉所有
高寶一帶水腳銀兩亦由販等自備擬請漕憲飭發護
照運赴清江以免沿途關卡報稅捐釐等情查見在清
江設立粥廠當牛局奉飭籌款卑職已率屬捐集錢一

千串聽候撥用其票販所捐米石已飭催趕爲購辦以資接濟至前次奉准籌挑王家渡至安東柴市一帶河道見在催繳捐項及時興辦亦可以工代賑並查壩鹽轉運入湖水路淺阻急須發旱向係騾車牛車並用因思騾車尙可裝載客貨通行各路已飭西壩卡楊莊高良澗等處委員禁止不用飭販全催牛車裝運計三套牛車每輛裝鹽十八九包至二十餘包計程給值每包可得錢二百一二十文至二百八十文不等由壩至高良澗等處往返約須四日除盤川喂養外尙可稍有餘貲窮民則藉以謀生牛隻則藉以存活再卑職於前月

將辦挑河催繳捐項並三河越壩堵合鹽船尙難暢
行壩銷不旺近年壩銷每日僅數百包或千餘包至多
亦不過兩三千包截至本月底止連遞撥之鹽共銷七
十三萬餘包實因湖水儲蓄無多船隻未得暢行湖販
來者甚少銷市仍無起色此次挑河款項雖分三次完
繳卽此先措一成已屬竭蹶而災民流離可憫因思每
屆冬令均經各販捐錢一二千串於西壩搭蓋粥廠收
養本鎮窮民今歲災荒較甚各販等願捐米二千石核
計運腳米價所捐已有六千餘串實係竭力從事經鹽
政沈葆楨批本年應辦工賑需費甚鉅昨據運司具稟

淮南各商已定按引繳銀五錢淮北各販自應一律報效當經批司飭催該分司會同許運判妥爲勸諭在案惟商販所捐應先儘鹽河工程方爲永遠之利耳仰卽趕緊籌辦至三河越壩雖已合龍仍應儲料固守並候札飭竭力防護設有疏虞惟該廳是問

光緒二年十一月署運司劉瑞芬稟江北近年辦理大工及賑卹諸事靡不督飭諸商合力捐辦本年被旱情形爲多年所未有工賑所需甚鉅飭據淮南總局稟稱據鄂湘西皖運商恒豐和等呈稱督鹽憲不允新商增引以奪舊商之利感激同殷商等歷次大捐始因清水潭

工程派捐則以銷數之暢滯分捐數之低昂四岸派繳不一共捐銀四十六萬兩有奇繼則天津賑荒欲於淮南鹽務籌款商等稟請報效因曾文正公不欲起捐遂議加鄂湘西三岸定額共四萬引籌捐銀二十萬兩而西岸所加獨多其時鄂湘已多積壓復加引額受累彌深西岸本係三綱又加二萬引直至於今疲困不支此實增引貽患之明證甲戌冬復奉勸捐黃河工賑淮南統按每引八錢連同各食岸共捐銀四十萬兩有奇閱時未久值茲工賑緊要各岸銷數艱滯商情困乏擬求分別岸銷暢滯酌令報捐能輕減一分卽沐一分之惠

卑職等查見在籌辦工賑用項甚繁本應查照上屆捐輸成案辦理因念岸銷不暢商力究未充裕擬酌量核減定爲每引捐銀五錢照四岸商人環運引數按引輸繳所有繳銀限期仍照上屆章程分爲二限年內呈繳一半爲第一限其餘一半歸來年二月三月分兩限呈繳署司查上年鄂岸銷鹽十萬九千九百七十八引每引五錢認捐銀五萬四千九百八十九兩湘岸銷鹽十萬二百七十四引每引五錢認捐銀五萬一百三十七兩西岸銷鹽九萬二百五十七引每引五錢認捐銀四萬五千一百二十八兩五錢皖岸銷鹽四萬三千三百

二十引每引五錢認捐銀二萬一千六百六十兩四岸
統計上年共銷鹽三十四萬三千八百二十九引每引
五錢共認捐銀十七萬一千九百一十四兩五錢請分
三限先於年內呈繳一半餘歸來春二三兩月繳清再
查同治十三年工賑案內淮南每引捐銀八錢淮北捐
銀六錢淮北按引計算合得淮南七五成之數見將淮
南辦定淮北自應一律飭遵復查淮北引額按年銷完
並無積滯之票所得利息較淮南尤厚見今札飭許運
判會同海分司勸諭淮北票販依淮南每引五錢一律
認完不准以前次七五成之議藉口短少溯自同治三

年以來淮南迭捐賑需軍餉或係統派總數或飭按額
勻捐或西皖加多而鄂湘遞減或楚西並認而皖食免
完皆係因地因時酌量辦理同治五年清水潭鉅款捐
後凡越五年始捐直隸賑案是以商力尙紓嗣越兩年
甲戌之冬接捐徐海工賑今甫年餘又值此次捐輸各
商連年措辦應接不遑而甲冬捐銀之商迄今或未輸
運鹽尙未銷屢以周轉艱難央求酌減至淮北自同治
八年小邗堡捐後直至十三年始捐第二次其鹽斤按
年銷足較淮南倍易轉輸且本年有陸裕豐等願請捐
加三萬引協盛公等願捐加十萬引均蒙嚴切批銷所

以保全淮北舊日票販之處實已至優極渥是以飭令
照依淮南每引五錢之數一律勻捐不准以上年減成
藉口淮北如遵照捐足所有安東河工擬卽准其就款
開支免其另捐並停捐支庫項以示體卹經鹽政沈葆
楨批准飭遵運司又稟奉撫憲檄飭勸捐設局收養災
黎一案遵經會同徐道文達將暫挪庫儲制錢六千串
同蘇藩司發到銀五千兩設廠開賑旬日以來就食災
民已有九千餘人逐日領米炊爨甚屬安靜其收當耕
牛一事自另設官廠以後已收當一百六十餘頭署司
勸諭淮南另捐當牛經費四千串陸續繳支惟濬河開

工役強有力之貧民自可遣令赴工其老弱婦女源源
來揚不能不照常收養而牽牛赴當亦未便照依紳局
初議收當二百頭截止是此兩項經費爲數甚鉅萬難
再飭商人另捐誠恐蘇城續解經費不敷災黎口食而
當牛經費短絀亦不可不預爲籌計懇准於各商公捐
工賑項下隨時撥濟若干另儲備用復經鹽政沈葆楨
批准

光緒二年十二月運司劉瑞芬等稟前稟奉批以上海賑
捐四萬兩可挪爲揚城散賑之用並奉撫憲截留各屬
籌備餘米飭司核明一半米數徑解揚州以資接濟等

因惟念本年江北各路旱區較廣饑民四出前稟以二萬人計之已約需錢九萬串今半月以來於仁義禮智信五廠之外又添築營圍七大座人數連前統計已收有三萬八千餘人見在廠外未經編查戶口尙有二三千人環求收養卽日已逾四萬之數通籌全局約需錢十八萬串上下方敷支用前准蘇藩司解來銀五千兩運庫籌墊錢六千串早經用罄雖蒙飭撥滬捐餘米接濟非特核計數目不敷甚鉅且不知何日解到一切所需經費均已暫挪餉款先行墊辦立待歸款而在揚商富業經按引捐助工賑銀十七萬餘兩年內先繳一半

實難再飭另捐查此項引捐本係工賑兼籌見在賑需
萬急約計奉撥滬捐四萬兩作錢六萬七八千串漕米
六千餘石作錢一萬七千餘串合之蘇藩司解到五千
兩作錢八千餘串署司瑞芬墊撥六千串共計有著之
錢約得十萬串其不敷之數總在八萬串以外懇准於
淮南商捐工賑項下畫出銀五萬兩先儘賑需提用經
鹽政沈葆楨批准照辦

光緒三年五月海分司于寶之稟淮北票販捐繳工賑捐
款一案業於上年冬閒奉飭每引捐銀四錢以免畸零
分作兩限於三月內一律繳清聽候隨時飭撥應挑王

家渡河道工費准在前項捐款內動支並經運司批委分投催繳在案查淮北額行二十九萬六千九百八十二引每引四錢應捐銀十一萬八千七百九十二兩八錢內除同善源票鹽六千引係爲清淮善舉之用應捐銀二千四百兩未經捐繳實計應捐銀十一萬六千三百九十二兩八錢見已據各販依限一律繳清惟查同善源票鹽歷次所捐小邏堡工需及上屆工賑捐款均經隨時稟奉前憲批飭在於淮北經費項下動撥見查卑庫經費支絀異常溢支甚鉅實已無款可墊可否准予免繳抑仍照案撥墊經鹽政沈葆楨批同善源票鹽

歷屆捐項均由該分司在於經費項下撥款與各販一律照繳此次未便免捐致衆販有所藉口同治十三年曾因經費溢支甚鉅經李前部堂批令在於禮河壩工項下籌繳嗣據該分司稟明壩工僅存尾數不得已仍飭在經費內墊繳見據該分司稟明經費無款可墊而驗查壩工摺報存銀三千三百餘兩以之扣繳前項捐款有盈無絀目前壩工並不待用且值開辦新綱續收銀兩足備不時之需仰卽在壩工項下照數核扣

光緒三年六月閩浙總督何璟福建巡撫丁日昌奏閩省水患頻仍附郭侯官縣西鄉一帶早收盡失晚禾甫經

補種天氣偏又清涼生發無期收成難望災重費繁後
難爲繼上年閩省水患幸賴兩江督臣沈葆楨飭屬勸
捐源源接濟百姓得免凍餒此次臣等函商沈葆楨設
法勸諭淮滬各商捐輸頃接回信已允分飭勸辦查兩
淮運司歐陽正墉署蘇松太道劉瑞芬辦事認真素顧
大局此次辦理閩省捐務必有成效從前天津賑案係
由故督臣曾國藩於淮商西鄂湘三岸加四萬引每引
各捐銀六兩或四兩合併捐銀二十萬兩又淮南北各
商其捐棉衣銀二萬兩又上海紳商其捐棉衣並米約
十萬兩今臣等此次不敢過存奢望但望淮捐滬捐能

照天津賑款三分之一已於閩省賑務大有裨益仰懇
天恩飭下兩江督臣沈葆楨於淮南北商捐查照從前加引
成案酌捐三分之一以卹商捐而拯鄰災其一切請獎
事宜統照天津成案辦理庶可稍資激勵奉

旨交沈葆楨酌辦欽此

光緒三年九月鹽政沈葆楨奏據運司歐陽正墉具詳淮
甯近年銷疲引帶自捐山東河工繼以本省工賑前捐
未清後捐復起商力實有未逮再三勸導據稱天津賑
捐係由加引報效淮南北商人實祇捐棉衣銀二萬兩
目下各岸銷數奇絀萬難更議加引祇得由淮南票商

認捐銀一萬七千五百兩淮北票商認捐銀二千五百兩共銀二萬兩勉符成案以十月內爲第一限封印前爲二限分兩限呈繳不敢照津案仰邀獎敘惟各該商稟各省偏災在所難免設他省歲歉復援閩省成案商等實無力再應懇請具奏前來伏查閩省爲臣桑梓之邦深願多捐一分災黎多受一分之益而察核商情委已筋疲力盡去年工賑至今尙未繳清而各處應辦之工已面面環伺該運司所詳係屬實在情形除飭將認捐銀二萬兩依限繳清分批解赴上海招商局由輪船迅速解閩以資賑需外所有淮南遵捐閩省賑銀緣由

理合附片陳明奉

旨知道了欽此

光緒三年十一月刑部左侍郎袁保恆奏豫省旱荒景象除南汝光歸德間有得雨種麥之處其餘或有微雨微雪二麥不能播種全省之災日甚一日疊次蒙

恩准留京餉發給銀米暨原有常平義社酒釐各倉放贖尾數不過勉強支持冬賑開春以後毫無可指就令得種春麥早秋亦非五六月後賑事不能中輟查從前天津賑案原任督臣曾國藩曾於淮商各岸加引辦捐共得銀二十萬兩去年江南賑務亦集捐三十餘萬近聞淮

北商力已疲而淮南各商仍以重價購買鹽票其尙屬暢旺可知兩江督臣沈葆楨認真整頓自必日有起色請於淮南商販每票五百引酌令捐銀三百兩當不至十分拮据可否仰懇

聖恩明降

諭旨此次籌辦賑需無論借用官商款項均准於豫省收成開徵後以正項分年提還議定付息毋許爽誤奉

旨淮南每票捐銀三百兩着沈葆楨酌度辦理欽此

光緒三年十二月運司歐陽正埔等稟奉札以晉省災賑勸諭捐輸當會同前辦儀徵棧務龐道酌議請照晉省

原定銀數酌減三成以上年實銷引數核定再照環運額引通攤於年內繳一半明年二月再繳一半稟奉諭飭照所擬將商名捐數先立一簿剋日傳集各商願捐者卽在本名下書一願字不願者名下書一無力二字其樂善好施願一倍再倍而心始安者卽於名下書一倍再倍等字茲據淮南總局稟稱據四岸運商已書願字者四十二萬五千八百六十引擬先繳四成下餘六成請准寬限其銀色並請照曹平寶紋呈繳等情前來伏查此項山西賑捐據該商等情願照晉省原定每票銀數酌減三成以上年實銷引數定捐仍照環運引數

通攤除零核算鄂岸每票捐銀一百三十兩通綱應捐
銀三萬三千八百兩湘岸每票一百兩應捐銀二萬八
千四百兩西岸每票八十兩應捐銀二萬八千四百兩
統共應捐銀十萬八百兩公議年內先繳四成各該商
等於遠省賑務毫無秦越之分尙屬急公可嘉年內爲
日無多必須趕緊報解如待詳定後再行飭繳恐致貽
誤所有議定年內先繳之四成已飭迅速呈繳俾濟賑
需其餘六成捐銀該商等所稟捐項出於餘利餘利必
待售鹽請寬限期陸續措繳尙係實在情形惟晉省待
賑甚迫捐款既定必須速解而體察商情取盈於餘利

既得之後則輸將自易籌繳於岸鹽未售之先則設措稍難如能先行設法借墊由運商按引陸續繳還庶於賑事商情兩無觸背應請會同酌奪轉詳再繳核名引簿冊其未書願字者祇有八萬八千一百四十引應俟各該商到揚俾集補書各等情本司道等查淮南運商於山西賑捐輸將則商情咸願呈繳則力恐不齊均已遵照前屆成案以實銷引數定捐照晉省原定銀數酌減三成計共應捐銀十萬八百兩年內先繳四成銀四萬三百二十兩當茲歲暮爲日無多各商先行籌繳四成尙屬急公已飭總局迅速飭繳以濟要需其餘六成

本司道等公同商酌必先行設法分任借墊庶幾聚斂
易舉計六成捐款銀六萬四百八十兩擬由司棧借墊
三成銀三萬二百四十兩其餘三成由鄂岸借墊銀一
萬一百四十兩湘岸八千五百二十兩西岸八千一百
六十兩皖岸三千四百二十兩統於來年二月彙解此
項墊款在岸卽由岸局於售鹽時按引核扣由揚借墊
者卽由總局於運商訂單時飭令按引呈繳統至明年
正月岸局開售儀棧開掣時照辦如此辦理似於賑務
商情兩無觸背至此次賑捐各商等既不敢仰邀獎敘
應請准如所請

光緒三年十二月浙閩總督何璟奏本年山西省旱災特甚道殣相望爲數十年所罕見准本任福建撫臣丁日昌函開已於潮屬勸辦晉捐必得部照應手方期踊躍當飭司局將本年水災捐賑案內奉部頒發空白執照勻撥一千張填明號數加用福建藩司印信寄粵應用奏明在案本年夏間閩省辦賑奏准勸諭淮滬商捐前經解到滬捐銀一萬兩正值濬河需款業經動用續准咨據兩淮運使歐陽正墉詳稱已據商人承允兩批繳捐二萬兩惟有將此項淮捐就近盡解直隸總督衙門匯濟晉省賑務庶撥解既歸簡便亦可稍紓淮商之力

並由臣等倡捐湊集銀一萬兩逕解山西巡撫衙門聊
助賑事嗣因此項銀兩匯解到閩仍解招商局兌收奉
旨報可

兩淮鹽法志卷一百四十六

捐輸門 助賑上